

Prezados Membros di Komunitadi di Skoals Publikas di Boston,

Prioridadi fundamental di Skolas Publikas di Boston (BPS) é manti tudu alunos i funsionários siguru i saudável enkuantu ki es sta na skola. Sima dja nhos sabe, notisias sobre duensa coronavirus sta kontinua ta evolvi i infilizmenti es virus sta kontinua ta spadja. Nu entantu, ameasa di es duensa li na Boston inda sta baxu. Apezar di se baxu risku li, nu sta ta prepara pa kalker aumentu d'es duensa. BPS sta ta monitora situason di pertu i nu sta en konstante komunikason ku nos parseru Boston Public Health Commission (Komison di Saúde Publika di Boston, BPHC, pa se siglas na Inglês).

Ali alguns dikas ki nu mandaba familias i funsionários antes, na kes dós carta ki manda-du casa sobre komu ki nhos pode manti saudável i pruteji nhos kabesa di gripe i kalker otu duensa respiratória ki é kumun durante invernu:

- Laba mon senpri ku agu i sabon pa pelo menos 20 sigundus
- Si bu ka teni asesu a agu ku sabon, uza un anti-séptico (dizinfetanti) di mon a base di alcool
- Laba non antes ki bu toka na odju, nariz, ô boka.
- Evita fika pertu di pesoas ki sta duenti

Si bu sta xinti ma bu sta konstipadu, bu pode proteji otus pa:

- Fika na casa oras ki bu sta duenti
- Evita fika pertu di otus algen
- Kubri boka i naris ku un lensu di papel (ôbrasu) oras ki bu ta tosi ô spirna, dipos bota kel lensu di papel na lixu i laba mon
- Linpa i dizinfeta objetus i superfisies

Durante ferias na fevreru, funsionários di limpeza di BPS faze limpeza konpletu i profundu di tudu predios di BPS. Infermeras di nos skolas i BPS Health Services (Servisus di saúde di BPS) sta kontinua ta kolabora ku BPHC pa ditermina si ten algun skola spesifiku ki tene txeu alunos ki sta konstipadu ô ku gripe ki mesti ser linpadu.

Pa informason atualizadu i di kunfiansa sobre duensa coronavirus, por favor visita pájina di internet di www.bphc.org. Si bu teni alguns perguntas ô bu mesti di ajuda, kontata Servisus di Saúde di BPS pa 617-635-6788. Pa dikas i rekursus adisionais, por favor visita pájina di internet di Departamentu di Servisus di Saúde di BPS na bostonpublicschools.org/healthservices.

Nu ta kontinua ta atualiza nhos konformi orientason i rekumendason di BPHC ta evolvi.

Obrigada,



Dr. Brenda Cassellius
Superintendente